



ՈՐՈՇՈՒՄ

**ՀԱՅՅԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ, ՎԵՃԸ ԳՐԱՎՈՐ
ԸՆԹԱՑԱԿԱՐԳՈՎ ՔՆՆԵԼՈՒ, ԱՊԱՅՈՒՅՑ ՊԱՀԱՆՋԵԼՈՒ
ԵՎ ԳՈՐԾԻ ՎԱՐՈՒՅԹԸ ԿԱՍԵՑՆԵԼՈՒ ՄԱՍԻՆ**

ք. Երևան

06.12.2023թ.

Երևան քաղաքի առաջին ատյանի ընդհանուր իրավասության քաղաքացիական դատարանը՝ նախագահությամբ դատավոր Ա. Հովհաննիսյանի (ստորագրություն՝ Դատարան), ծանոթանալով «Արկատ» ՍՊԸ-ի անունից ներկայացված հայցադիմումին և կից փաստաթղթերին,



ՊԱՐԶԵՑ

«Արկատ» ՍՊԸ-ի անունից հայցադիմում է ներկայացվել դատարանին՝ հարգարադատության նախարարության՝ ՀՀ արդարադատության նախարարության գլխավոր քարտուղար Ս. Գևորգյանի 19.10.2023 թվականի թիվ ԱՆ-ԳԲ-2023/2 որոշումն անվավեր ճանաչելու պահանջի մասին, որը 09.11.2023 թվականին մակագրվել է դատավորին, իսկ դատավորի աշխատակազմին հանձնվել է 10.11.2023 թվականին:

Դատարանի 15.11.2023 թվականի որոշմամբ հայցադիմումը վերադարձվել է՝ սահմանելով եռօրյա ժամկետ թերությունը շտկելու և այն կրկին ներկայացնելու համար:

Հայցադիմումը ներկայացվել է կրկին, որը 28.11.2023 թվականին մակագրվել է դատավորին, իսկ դատավորի աշխատակազմին հանձնվել է 01.12.2023 թվականին:

Դատարանը, ծանոթանալով հայցադիմումին և կից փաստաթղթերին, արձանագրում է, որ հայցվորը շտկել է Դատարանի 15.11.2023 թվականի որոշմամբ մատնանշված թերությունը և գտնում է, որ կրկին ներկայացված հայցադիմումը և կից փաստաթղթերը ներկայացվել են ՀՀ քաղաքացիական դատավարության օրենսգրքի 121-րդ և 122-րդ հոդվածների պահանջների պահպանմամբ, չկան հայցադիմումի ընդունումը մերժելու կամ հայցադիմումը վերադարձնելու հիմքեր, հետևաբար հայցադիմումը պետք է ընդունել վարույթ:

ՀՀ քաղաքացիական դատավարության օրենսգրքի 234.6-րդ հոդվածի 2-րդ մասի համաձայն՝ հայցադիմումը վարույթ ընդունելու հետ միաժամանակ դատարանը կայացնում է որոշում՝ պատասխանողից տվյալ գնման գործընթացի հետ կապված պատասխանողի տիրապետման տակ գտնվող բոլոր ապացույցները պահանջելու մասին, իսկ 3-րդ մասի առաջին պարբերության համաձայն՝ ապացույցներ պահանջելու վերաբերյալ որոշումը կատարվում է պատասխանողի կողմից որոշումն ստանալուց հետո՝ հնգօրյա ժամկետում:

ՀՀ քաղաքացիական դատավարության օրենսգրքի 234.6-րդ հոդվածի 5-րդ մասի համաձայն՝ հայցադիմումը վարույթ ընդունելու մասին որոշումն անհապաղ ուղարկվում է «Գնումների մասին» Հայաստանի Հանրապետության օրենքով նախատեսված

լիազորված մարմնի պաշտոնական էլեկտրոնային փոստի հասցեին: Լիազորված մարմինը նույն մասով նախատեսված որոշումն անհապաղ հրապարակում է «Գնումների մասին» Հայաստանի Հանրապետության օրենքի 2-րդ հոդվածի 1-ին մասի 14-րդ կետով նախատեսված տեղեկագրում՝ նշելով կասեցման օրը:

ՀՀ քաղաքացիական դատավարության օրենսգրքի 234.9-րդ հոդվածի 1-ին մասի համաձայն՝ դատարանը նույն գլխով նախատեսված վեճերով գործերը քննում և դրանց վերաբերյալ վճիռները և որոշումները կայացնում է գրավոր ընթացակարգով, բացառությամբ այն դեպքերի, երբ դատարանը գործին մասնակցող անձի միջնորդությամբ կամ իր նախաձեռնությամբ եկել է եզրահանգման, որ անհրաժեշտ է գործը քննել դատական նիստում:

«Գնումների մասին» ՀՀ օրենքի 2-րդ հոդվածի 1-ին մասի 13-րդ կետի համաձայն՝ նույն օրենքում օգտագործվում են հետևյալ հիմնական հասկացությունները. **լիազորված մարմին**՝ պետական ֆինանսների կառավարման բնագավառում Հայաստանի Հանրապետության կառավարության քաղաքականությունը մշակող և իրականացնող՝ Հայաստանի Հանրապետության գործադիր իշխանության պետական մարմին:

Միաժամանակ հիմք ընդունելով ՀՀ քաղաքացիական դատավարության օրենսգրքի 234.9-րդ հոդվածի 1-ին մասը՝ Դատարանը գտնում է, որ գործը ենթակա է քննության գրավոր ընթացակարգով:

Դատարանը միևնույն ժամանակ արձանագրում է, որ պատասխանողից անհրաժեշտ է պահանջել թիվ «ԱՆ-ԳՔ-2023/2» ծածկագրով գնման գործընթացի հետ կապված պատասխանողի տիրապետման տակ գտնվող բոլոր ապացույցները:

ՀՀ քաղաքացիական դատավարության օրենսգրքի 157-րդ հոդվածի 1-ին մասի 1-ին կետի համաձայն՝ դատարանը պարտավոր է կասեցնել գործի վարույթը, եթե անհնարին է տվյալ գործի քննությունը մինչև սահմանադրական, քաղաքացիական, քրեական կամ վարչական դատավարության կարգով քննվող այլ հարցով կամ գործով եզրափակիչ ակտ կայացնելը:

Տվյալ դեպքում թիվ ԵԴ2/34170/02/23 քաղաքացիական գործով քննության առարկա է հանդիսանում հայցվոր ընկերության հետ պատասխանողի կողմից պայմանագիրը միակողմանի լուծելու գործողությունը ոչ իրավաչափ ճանաչելու պահանջ: Ընդ որում, սույն գործով ՀՀ արդարադատության նախարարության գլխավոր քարտուղար Ս. Գևորգյանի 19.10.2023 թվականի թիվ ԱՆ-ԳՔ-2023/2 որոշման հիմքում դրվել է կողմերի միջև պայմանագիրը լուծված լինելու հանգամանքը, որպիսի հարցն էլ հանդիսանում է դատական վեճի առարկա:

Նման պայմաններում Դատարանը գտնում է, որ գործի քննության անհնարինություն: Հետևաբար սույն գործի վարույթը ենթակա է կասեցման մինչև թիվ ԵԴ2/34170/02/23 քաղաքացիական գործով եզրափակիչ ակտ կայացնելը:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 125-րդ, 157-րդ, 199-րդ և 200-րդ հոդվածներով, ինչպես նաև 27.2-րդ գլխով՝ Դատարանը

ՈՐՈՇԵՑ

1. «Արկատ» ՍՊԸ-ի անունից ներկայացված հայցադիմումն ընդունել վարույթ:
2. Գործը քննել գրավոր ընթացակարգով:



3. Պատասխանող ՀՀ արդարադատության նախարարությունից պահանջել թիվ «ԱՆ-ԳՔ-2023/2» ծածկագրով գնման գործընթացի հետ կապված պատասխանողի տիրապետման տակ գտնվող բոլոր ապացույցները:

4. Որոշումը՝ ապացույցներ պահանջելու մասով, ենթակա է կատարման պատասխանողի կողմից այն ստանալուց հետո՝ հնգօրյա ժամկետում:

5. Որոշումն անհապաղ ուղարկել լիազորված մարմին ՀՀ ֆինանսների նախարարություն:

6. Թիվ ԵԴ2/37636/02/23 քաղաքացիական գործի վարույթը կասեցնել մինչև մինչև ԵԴ2/34170/02/23 քաղաքացիական գործով եզրափակիչ դատական ակտ կայացնելը:

7. Որոշումը՝ կասեցման մասով, կարող է բողոքարկվել ՀՀ վերաքննիչ քաղաքացիական դատարան այն ստանալուց հետո յոթնօրյա ժամկետում:

ԴԱՏԱՎՈՐ



Ա. ՀՈՎՀԱՆՆԻՍՅԱՆ